







Идавсил мавлуд ханнал мизитраву

Гѳарца шинал рабиоъл-аввал зуруй цинявшагу бусурманнал жула Идавсин  хас бувсса мажлису, мавлудру дайссар. Жунма кѳулсса куццуй, му зуруй Дагъусттаннайсса шагърурдай ва шархъавугу бувай мукунсса мажлису. Январданул 24-нний Лакрал райондалий Гъумучиял шяравусса Ханнал мизитравугу хъунни мукунсса барачатсса мавлуд. Мажлисураву гѳурту хъунни имамтал, аълимтал, райондалул администрациялул вакилтал ва жамятравасса агъали.

макъала: Камал Сагидов

Мажлис бачин бувну ия Лакрал райондалул имам Давуд-хѳажи Тумалаев. «Жула Идавс  ва дунияллия лавгун азаллий мукътуршрахъул шин хъуну дунугу, кѳулну бикѳан аъркинсар идавстал дунияллий бакъанугу къалитѳайшиву. Гай цала гъаттардиву утгавану буссар, цалва умматиннаха дуаълий буссар. Жува бувсса гѳарца аъмал Аллагъу Тааъланал Идавсичѳан  биян байссар, ххуйсса аъмал бухъурча,

Идавсил  дуаъ дайссар, къамул баннав куну, оьсса аъмал бухъурча, Аллагъ  ялтту учѳаннав, куну дуаъ дайссар. Жулвагу умуд бур Аллагъу Тааъланал Цала яла ххирама Мухѳаммад Идавсил  хѳурматрахлуну жулва бунагъирттал аѳву банссар, жунма яла-яла даража лаваймур неъмат – Иман ва Суннатрал ххуллу булунссар тѳисса», – увкунни имамнал. Мукунма, Давуд-хѳажинал бувсунни Еменнава Дагъусттаннай Ислам гъаз дан увкѳсса аълимчу Сайид Ахѳмад аль-Яманина.

Ва номерданий :



лаж. 3

Идавсичѳансса  ччаву загъир дувара!



лаж. 4

Диндалул ламу




лаж. 5

Идавсил  мюъжизатру




Садакъа баврил хѳирашиву

Аллагъу Тааъланал дуниял мукъра задрай даѳан дурну дуссар: аълимтурал элмулий, хъуниминнал аѳдлулий, мискинтурал дуаълий, аваданминнал садакъалий.

Аллагъналгу  инсантал дунияллий ца куццуй ляхъан къабувкун: ку дуну, ку дакъа, ку мискинну, ку тѳуршаману, мискиннал садакъа баву дунияллул ттарѳѳу дурссар. Мукун бухъувкун инсаннал цала чурххая, кулпатрая ххишала шайсса зад духъурча, му садакъалун дулаву ссуннатсар.

Садакъалун дулунмур дакъахъурча, чѳа тѳинахъ ххуйсса жуав дансар, мугу садакъари. Канийну, мазрайну хъинбала баву – садакъари. Элмулия цанма кѳулмур бусаву – садакъари. Лажин тѳайлану ургаву – садакъари. Ххуллийн тѳайла аѳѳан аву – садакъари. Ххулияту чару-зад гъаз баву – садакъари. Хъинбалларал ххуллий лавсѳсса ша – сада-

къари. Хъу дугъаву – садакъари. Мурхъ бутъаву – садакъари. Халкъуннал дянив маслихѳат баву – садакъари. Гѳарца хъинбала – садакъари. Хѳасил, садакъа бан чѳай дулунмур дакъаманал муъминтураха ххуйсса дуаъ дансар.

Садакъалун дулун яла ххирамургу шинни. Мякъсса инсаннан шин дулавунияр ххирацца, хъинсса садакъа цамур бакъассар, шин дакъасса кѳанай мякъманан ца ххув цинал буллуманан ивкѳуса инсан утгаву увсаксса чѳири буссар. Хъирив ххирамур – дукралийн бичайсса цѳури. Мугу Ибрагъим  Идавсил Мухѳаммад  Идавсил умматинан дурсса хъамалушинни. Ми цѳу садакъалун булурча, мий цѳу бивчуну дурѳири дукра садакъалун дуллуссаксса чѳири бусар. Мукунма, дукра шахъан цѳу дула тѳий увкѳсса инсаннан цѳу дулурча, му цѳарай шархъѳири дукра садакъалун дуллуссаксса чѳири буссар. Мий шаннагу за – шингу, цѳугу, дукралийн бичай цѳугу дула тѳий увкѳсса инсан, дунура дакъар куну

айшун ан къахъинссар, карагъатссар. Хъирив садакъалун дулун хъинмур – дукия, лаххия, хѳаѳия. Даѳѳ дияйсса чѳиримур дулуну хъинссар, даѳѳ къадирна, дулун къач-чай дуллусса хъуннамурнир.

Садакъа бан яла чѳири хъунмамур чѳунгу: гѳарца ножмяр хъхъу, ножмяр къини, Рамазан барз, бусурманнал байраннал къинирду, зул-хѳиѳжа зурул аѳѳагу гъантта, миннул хъиривсса шанмагу гъантта, мухѳаррам барз, хаснува Аъшурдул къини, мавлудрал гъантри, баргъ-барз бувгъукун, гъарал къуркъукун, Хѳаж байний, сафарданий уккайний, ца даву дайдишайний, бала ялун наниний, цѳуцѳавуртту диллан дирѳѳукун, ца бунагъравун агъукун, мукунма, цайми-цайми иширттавугу та барчагу баву хъинссар. Бан-хъун тѳий къабитаву къахъинссар. Дунияллий сагъну уна баву хъинссар, ивкѳукун вихлува цаманал бувмунир.

«Насиѳлатуль аъвам» («Гъунѳукъатѳан») тѳисса луттирава

Мавлуд Хъун мизитраву

Январь зурул 23-нний Махлчкьалаливсса Хъун Мизитраву хъунни Мухаммад Идавс **✿** увсса рабиюль-аввал зурул 12-мур кьини хъун дуллалисса мавлуд. Шикку гьурттту хъун бувкIсса жаматрал шалва мизит бувцIуну бия. Бугъарами, мюрци оърчIру, цалва кулпатир-тащалсса арамтал бувкIун бия цала ИдавсийчIансса **✿** ччаву загъир дан. Мизитрал кIилчинмур зивулул хъунмур чIулгу хъаннил бувцIуну бия.

макъала: ХIабиб ХIажиаълиев

Мавлуд дайдирихъуна дакI хIайран дансса чIуний, исвагъину ккаликнесса Къуръандалул аятиртгайнуну. Мажлисгуну тIивтIуну, имам Мухаммадрасул-хIажи Сааъду-евлул буллуна махъ хIадисрал элмулул доктор, Египетнавасса шайх Зайнулаъбидиннухъун. ОърчIру-кулпат Идавс **✿** ххирану тарбия баврия бувсса аърабнал вяъза имамнал таржума бувна оьрус мазрайн. Хъирив махъ лавхъсса алимчу Мухаммад-хIажи АбдурахIмановлул бувсуна Мухаммад идавсил **✿** суннат бувгуну бачаврил агъамшивруа ва муниасса хъунмасса чирилуа. Идавсил **✿** оьрмулия, Ислам гъаз дуллаи ганан **✿** ва ганал асхIабтуран ккавксса захIматшивуртгата бувсуна Махлчкьалаливсса имам Шамиллул цанийсса мизитрал имам Абдуллагъ-хIажи



Мухаммадовлул. Идавсин **✿** салават дутаври-вусса ххирашивурттал мягна бувчIин бувна Казбек райондалул имам Казим-хIажи Темирбулатовлул. Мизитраву бацIан бувсса хъунмасса экрандали ккакан бувна аьрабустаннавасса аьлиментуврал вяъза-насихIатру. Му куцIуй, Дубайлиясса Оьмар бин Оьсманнул бувсуна мавлуд даврил ххирашивруа. Маккалал мизитрал имам Мухаммад Абдуллагъ аль-Айдаруслул бувсуна цанма Дагъусттаннал агълу ххирашиву гайннан Мухаммад Идавс **✿** хирану унутIий. «Миннал ИдавсийчIансса **✿** ччаврил сававгу – ми шайх Саид-Афандинал (кь.с.) тарбия бувнутIийри,

– увкуна аьлимчувнал. Идавсил **✿** асарду (чIарарду, янна ва цаймигу кьай) дуруч-чаврихлу жаваблувсса Ансартурал наслулул хъунама АхIмад аль-Хазражинал бувсуна гай асардал лагмасса аьжаивсса барачатшивруа. Вяъза-насихIатирттал дянив личIи-личIисса мазурдий ккалай бия мавлуду. Мажлис хъуна бувкIминнал дакIру хIайран хъунсса. Ванил ялагу ца хасшиву дия «Домашний» ва «Прибой-ТВ» телеканаллавух прямой эфирдануву ккакан дуршиву. Мукуманма, дуниялий ччимур кIанттай бурган сант дурну дия интернетравух islamdag.ru сайтравух ккакан дуллаи ва барачатсса мавлуд. Аллагънал **✿** кьамул даннав!

ХIусну-занн

Исламрал гьарца бусурманчувнай ялуд бувну бусар цалва динналул уссурварая ва ссурварая ххуйсса пикрили икIан. Мунийн учайссар «ХIусну-занн» куну. ХIакъсса, загъирсса хIучча бакъанува инсанная оьккину шикрили икIаву, ганайн бунагъар, мунафикь учаву хъунмасса бунагъари.

ХъхъичIа заманнай ца шагърулул къапулулчIа ца къужа щяивкIун ивкIун ур. Арх акъа авцIуну ивкIун ур шагърулул увкIсса машачигу. Ца ппурттуту къужлулчIан жагъилсса адимины гъан хъуну ур. Га архсса билаятрая увкIсса ушиву чIалай бивлун бур. – На вай кIанттурдаву тачIав къаивкIссара. Шикку цукунсса халкъ буссар? – цIувххуну бур жагъилнал къужлухъ.

– Ваняр хъхъичI инава ивкIсса шагърулий вин цукунсса агъали льявкIуна? – цIувххуну бур къужлуд. – Хъинну оьсса, ххуй дакъасса хасиятру дусса халкъ бия гикку, – куну бур жагъилнал.

– Туну вин шиккусса халкъгу мукунамасса лякъинтIиссар.

Цапшара хIал лавгун махъ шагърулул увххун ур цама адимины. Гава куцIуй ганалгу къужлухъ суал бувну бур:

– Буттауссу, цукунсса халкъ бур ва шагърулуву. На дахъа увкIра, ттун шиккусса инсантурал аьдатру къакулли, – куну.

Къужлул кIилчингу суалданин суал буллуна бур: – Инава ваняр хъхъичI ивкIсса шагърулуву цукунсса халкъ бия? – куну.

– Хъинну ххуйсса, хъинсса ва хъамал ххирасса халкъ бия. Гикку ттул чIавусса дустал хъунни. Га шагърулия гъангума ччай бакъая, – жаваб дуллуну дур жагъилнал.

– Шиккугу вин мукунамасса агъали лякъинтIиссар, – куну бур къужлуд.

Ми кIивагу ихтилат бавсса машачи махIаттал хъуну, къужлухъ цIухлан ивкIун ур:

– Му ци ишри!? КИия инсаннава ца-ца суалданин ина личIи-личIисса жавабу дуллуну. . . Мунил мягна цир? – тIий.

– Гьарцаннал дакIниву цалла дуниял дуссар. Цува хъхъичIа ивкIсса кIанай так оьшиву дакъа ккакан къабювхъуманан шиккугу цIчIав ххуйсса къалякъинтIиссар. Цайми шагърулдай дустал льявкIуманан шиккугу гьалмахтал бан бигъану бикIантIиссар. Жувува бумурди лагма-ялттуминнаву чIалан бикIайсса? – куну бур къужлуд.

Инсан дакI марцIсса ухърча, ганан цаймигу цува кунма марцIну чIалан бикIайссар. ДакI чапалманан циняв чапалну чIалан бикIайссар.

ХъхъичIавсса хъунисса аьлиментурал учайсса бивкIссар: «Оьккисса тIул дуллалиманай аьй даннин, цал га тIайла ансса арулцIалва багъана ххал ба», – куну.

Жула Идавсил **✿** увкуссар: «Тайла бакъасса пикри баву, тайла бакъасса хлукму баврил савари», – куну.

Цамур хIадисраву увкуну бур: «Оьккисса пикри – яла щялмахъмур гьалгъари. Куннал хъирив ку мабацIларди, ясушиву мадулларди», – куну.

ЩяйтIаннул мудан хIарачат байссар жува ххуйсса, лайкъсса инсанная оьккину пикри буллали бан.

Мукунамасса пикридая марцI шаву жулва буржри. Халкъунная ххуйсса пикрили икIаву – къюкIливусса имандалул, марцIсса дакIнил лишанни, мунийну питналул, оьшивурттал къапулду лакъайссар.

муъминтурал дянив ччаву, уссушиву цакъ шайссар. Му хасият жуваруагу хъуншиврул нафсрачал ччалан, чIяруну дуаь дуллан аьркинссар. Аллагънал **✿** кумаг баннав!

isaassalam@gmail.com

Аьрасатнал шагърулдайгу Идавсил **✿** мавлуду

Гъашинусса рабиюль-аввал зурул шалагу жула хIукуматрай хъунни Мухаммад Идавс **✿** хъун уллалисса, мунал оьрмулия бусласисса мажлису-мавлуду. Мукунамасса мажлису-мавлуду. Мукунамасса мажлису-мавлуду. Мукунамасса мажлису-мавлуду. Мукунамасса мажлису-мавлуду. Екатеринбург, Санкт-Петербург, Грозный, Казань, Владивостокрай, Волгоградрай, Нижний Новгородрай, Пензалий, Назраннай, Екатеринбурграй, Хабаровскрай, Рязаннай, Ханты-Мансийскрай, Саратоврай ва цайми-цаймигугу Аьрасатнал шагърулдай. Ми мавлудиртгатаву гьурттту хъунни Дагъусттаннал Бусурманнал Диндалул Идаралул ва Ас-салам кказитрал вакилтагу. *Жул корр.*



Екатеринбург



Рязань



Санкт-Петербург



Грозный

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Заурбек (Абдулла) ЯИКБАЕВ

Редактор

Иса ОМАРОВ

Канонический редактор

Курамухаммад МАГОМЕДОВ

Менеджер

Абдусабир АХМЕДОВ

Дизайн, вёрстка

Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ №

Тираж 3400 экз.

Сдано в печать 31 января 2012 г. в 18:00

Индекс 51388

Адрес редакции

367015, РД, г. Махачкала, ул. Аскерханова 13а.

Тел.: (8722) 51-85-22.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru

www.assalam.ru

Идавсичансса صلى الله عليه وسلم ччаву загьир дувара!



Жунма цинявннан кIулну бикIан аьркинссар гьарзад хъинмур, хъиншиву, рахIму-цIими так ца Аллагнаята ﷺ бушиву. Аммарив МухIаммад ﷺ Идавс кьакIулну, муначIан ччаву дакIа жушчава кьахьунтиссар АллагначIан ﷺ биян, Аллагнал ﷺ цIимигу жуйнма кьаликкантиссар. Мунияту аьркинссар цалчин Идавс ﷺ кIулну икIан, мунал оьрму кIулну бикIан. Му чIумалли жуна Идавс ﷺ ххира хьунтисса. Идавсичансса ﷺ ччаву дууса чIумалли диклантисса АллагначIансса ﷺ ччавугу.

макъала: Шяъбан Кьурбанов,
Гьумучиял имамнал хъирибчу

Жула Идавс ﷺ увссар рабиоьл – аввал зурул 12-нний кIюрххицIун чIумал. Григориан календарьданин буну му хъанахъиссар 571-ку шинал апрель зурул 20-ку кьини. Му диркIссар итни кьини (понедельник). Аьрабнал му шинан Пилданул шин учайсса бивкIссар. Мукунсса цIа дирзсагу – Еменнал хъунама ивкIссар Абрагьат тIисса. Мунан Маккалив Кяъба бушиву ва гьарца аьрабнал дакI ганишчал дархIуну душиву бавукун, ччан бивкIссар циняв аьраб хIаж бан цачIанма заназ баншиврул, Кяъба ппив буну, лекьан бан. БавтIун чIавусса аьралгу, хъхъичI шанма пилгу бачин буну му авчуссар, Кяъба ххит банна тIий. Ми аьралуннайн Аллагу Тааьланал лелухант гьан буну, чартту бивчуну циняв аьрал ппив бивссар. Мунияту учайссар Пилданул шин куну. Идавсил ﷺ буттан цIа диркIссар Аьдуллагь, ниттин – Аминат. Идавсил ﷺ бивкIссар арулва оьрчI: шама арс, мукьва душ – Кьасим ﷺ, Аьбдуллагь ﷺ, Ибрагьим ﷺ, Зайнаб ﷺ, Рукьби-

ят ﷺ, ФатIимат ﷺ, Уммукульсум ﷺ. Ибрагьим ﷺ увссар Мариятлул, гайми ряхвагу оьрчI бивссар Хадижатлул ﷺ. Идавсин ﷺ Хадижат ﷺ хъинну ххирану бивкIссар, цанчирча, ганил хъхъичIра-хъхъичI Ислам кьамул дурссар. Му бакьассагу, гьарца чIумал ганил Идавсин ﷺ кумаг байсса бивкIссар, мукьуйнугу, хъуслийнугу чIарав бавцIуну. МухIаммад Идавс ﷺ чIивинийва ивкIун ур хъинну караматсса оьрчI. Увну цалчинмур зуруйва га ххярка тIий занай айивхъуну ур, кIилчинмуний бигьану ххярка тIун ивкIур ур, шамулчинмур зуруй ччаннай авцIуну ур, мукулчин-



мур зуруй хIалли-хIаллих занан ивкIун ур, ряххулчин зуруй бигьану, захIмат бакьа занан ивкIун ур, арулчинмур зуруй лечлан ивкIун ур, мийлчинмур зуруй гьалгьа тIун ивкIун ур, урчIулчин зуруй ганаща цайминнащал ихтилат бан шайсса бивкIун бур, ацIулчинмур барз камил шайхтту мунаща хъанай бивкIун бур чIатIарак ритлан. Му куцIуй аькьуллулгу, чурххалгу, гуж-

ралгу цайминнаяр анаварну хъуна хъуну ур. МухIаммадлул ﷺ идавсшиву дулуссар мукьцIалла шинал оьрмулувун ивсса чIумал. Идавсшиву дулуннингу га хъинну тIайласса, марцIсса оьрму бутлай ивкIссар. Маккалал агьулданул лагьшиву дайсса кьанчру, чартту ганан муданмагу хъинну кьаччисса бивкIссар. Миннаха кьуллугь байминнавух хIала хъун Аллагнал ﷺ Цала Хабиб кьаивтссар. КийIла мунал бакIравун бивххун бур цува кунмасса жагьилтуращал аьлахъан, тIуркIу бан гьан, амма му чIумал Аллагнал ﷺ му шанашу увну, бунагь личин бюхъайсса кIанайн гьан кьаивтун

Идавсил ﷺ оьрмулия кIул баншиврул, муначIансса ччаву гьарза даншиврул дайссар мавлудругу. Муниву хъинну хъунмасса хайр буссар. Цанчирча, Идавсил ﷺ оьрмулуву, ганал буллалисса гьарца ишираву, багьу-бизулуву дуссар жунна дарс, ккаккиялунсса эьрат. Инсан цала оьрмулуву цукунсса иширавун агьарчагу, Идавсил ﷺ сиралуву буссар мунисса мисал. Мукун камилсса, щаллусса, диялдакьашиву дакьасса инсан ивкIссар МухIаммад Идавс ﷺ. Идавсин ﷺ цува увсса итни кьини хъинну ххирану диркIун дур, му кьинилул кьимат хъинну лавайну бивкIун бур, му кьини хъинну хъунгу дайсса диркIун дур. Га заманнай шаэртурал Идавс ﷺ хъун уллай шеьрирду сакин байсса бивкIун бур. Идавсилгу ﷺ гайнахъ сакин мабулларди кьаучайсса бивкIун бур. Жунмагу кIулли укунма ккалайнияр, шеьрилийну ккалакки-мунил кьюкIливун асар булайшиву, дакIнийгу личIайшиву. Мавлудру даврийну жува ккаккан буллалиссару жуна МухIаммад Идавс ﷺ ххирану ушиву. Хадисравугу увкуну буссар: «Кьиямасса кьини инсан цанма ххираминнащал икIантIиссар», – куну. Жунма идавстал, асхIабтал, табиинтал, аьлимтал, валийтал, гьазитал, ххуйсса инсантал ххирану бухурча, иншааллагь, умуд бур Кьиямасса кьинигу миннащал архIал бизан банссару тIисса. Мува куцIуй жува оьккисса инсантурал хъириб бачирча, миннал аьдатру ласлай, миннал даймур дуллау, миннаха лахълай, бюхъайссару Кьиямасса кьини жува миннащал бизан бан. Аллагнал ﷺ жува муния буруччиннав! Жува ца Идавсил ﷺ умматру, ца ниттил ва ца буттал бивсса оьрчIру кунмасса. Мунияту, цайми-цайми миллатирттал аьдатру, тайннал хасиятру кьамул дуллан кьааьркинссар, тайннал дуллалисса тIуллу ххуй дирзун, хъириб бачин аьркиншиву дакьассар. Аллагнал ﷺ жува хъун буну буру МухIаммад Идавсил ﷺ умматну буну, Ислам дуллуну – цамур хъуншиву жунна кьааьркинссар, мунихлу хъунмасса цукругу бан аьркинссар. Аллагнал ﷺ жунма цинявннан МухIаммад Идавсил ﷺ шафааьт нясив баннав, хъуслий, дакIурдий, гьарца дайсса даврий барачат биннаш!

Идавсил мавлуд صلى الله عليه وسلم ханнал мизитраву

1 « Администрациялул чулуха мавлудрай махъ лавхъунни Лакрал райондалул администрациялул бакIчинал хъирибчу Юсуп Рамазановлул. «Хъуннасса ххаришиву дур мизитирттавул, Аллагнал ﷺ кьатаравун заназисса жагьилталгу бугьарамигу гьарза хъанай бушиву. Хакьинусса кьини Гьумукгу чIалай бур чан-чанну тIий чаклийн, вяьзардайн, мавлудирттайн заназими чIяву хъанай бушиву. Шяраву мавлудру даймигу чансса бакьар. Ва барзгу гьарцагу чулуха ляличIисса, ххирасса барзри. Ва мавлудрал барачат шиккун бавтIсса цинявннал кьатравун бухханнав. Жува циняв МухIаммад Идавсил ﷺ ххуллу бувгьуну бачиннав! Администрациялул чулуха барча буллау ура циняв ва ххарисса кьинилушчал», – увкунни Юсуп ХIажидавудовичлул. Гьази-Гьумучиял имамнал хъирибчу Шяъбан Кьурбановлул кутIану бувсунни МухIаммад Идавсил

ﷺ оьрмулия, ганал ххаллилсса хасиятрая, мавлуд даврил муьпатрая, салават дутаврил ххирашивруя. «Аллагу Тааьланал Кьурьандадуву Цувагу дутлай уссар Идавсийн ﷺ салават, малаиктурал дутлитшивугу бувсун буссар, жуйнмагу амру буну буссар, салават дугияра куну. Ва дунияллий чIяруну салават дутайсса инсаннайн Кьиямасса кьини МухIаммад Идавсил ﷺ шафааьтгу биянтIиссар. Мукунма, хIадисравугу бувсун бур Идавсийн ﷺ цал салават дуртманайн Аллагнал ﷺ ацIра салават дутайшиву», – увкунни Шяъбан-хIажинал. Хъириб махъ лавхъунни Лавашийл райондалул имам Зубаир-хIажу АьбдулвахIидовлул. «Мавлуд дачIайссар шанма бутлуйх: Кьурьан буккаву, Идавсия ﷺ бусаву, ва дуаь даву. Ми гьарзад дайсса диркIссар бусурманнал гьарцагу заманнаву. Мунияту мавлуд дан кьабучIиссар тIиминнах вичIи

мадишари», – увкунни Зубаир-хIажинал. Гьумучиял мадрасалул мударис НурмухIаммад-хIажу БахIарчиевлул бувсунни Кьурьан тIайлану махраж-тажвидрай буккин лахъхъаврил агьамшивруя. «Гьарца балугьравун увхсса бусурманчуннал буржри тIайлану «АльхIам» ва «АттахIийяту» буккин лахъхъин. Акьахурча мунал чак щаллу кьашайссар», – увкунни ванал. Ккуллал райондалул имам Сиражудин-хIажу Кьурбановлул бувсунни кашу дусса инсаннал закят буккан аьркиншивул агьамшивруя, закят буккайманал хъуслийн дийясса барачатшивруя. Хъинну асар биянсса куцIуй мавлудру ккалай бия Хьанардал, Кьубийл ва Кьаьмащиял щархъавасса группарду. Кьамулсса мавлуд хъуннав, ванил барачат щалвагу Дагьусттанайн бияннав! Амин.

Диндалул ламу



Жунма кѳулсса куццуй закат хъанахъиссар Исламрал ххювагу рукнурдал шамулчинмур рукну. Закат буккансса хъусгу дунура къабуккайсса инсаннал дин барт къалагайссар. Закат хъанахъиссар Аллагу Тааьланал лагъартуннайсса хлакь.

макъала: Сиражудин-хѳажѳи Къурбанов,
Ккуллал райондалул имам

Чак баву диндалул ттарцѳну духъурча, закат хъанахъиссар Исламрал ламуну. Чак баву Аллагънал ﷻ жулва чурххай ялув бивхъусса буржри, чурххал эбадатри, закатрив хъуслий ялув бувсса бурж ва эбадат хъанахъиссар. Ми кѳивагу цанний ца лязимсар, цанницѳун ца бавхѳуну буссар. Къуръан буккайсса инсаннал кѳулссар Аллагу Тааьланал чак кѳицѳи лавгсса аятраву закату кѳицѳи лагайшиву. Мунийну жунма бувчѳлачѳиссар закат къабуккайсса инсаннал дин-ислам щаллу къашайшиву. Му чара бакъасса

задри. Закат буккаву ялув бакъассар так хъус чансса, нисабрай къадирсса, закат буккан къудрат дакъасса инсаннай.

Гъунчѳукъатѳатусса Къурбанаьли цалва «Насихѳатуль-аьвам» тѳисса луттираву чичлай ур: «Закат къабуккайсса инсаннал касбулия хайр бакъассар, хъусливу барачат бакъассар, диндалия пайда бакъассар, Заннал ﷻ душманни, щайтѳаннул дусри, мискинтурал язидри, пакъиртурал муттаэри. Чурх марцѳи бан чак ялув бувсса кунма, хъус марцѳи дан закату ялув бувссар. Закат къабулайсса хъусливу чѳявусса апатѳру, мусибатру, гъалакшивуртту ялун дияйссар. Минния уруччин ччисса адиминал закатраву тѳайлашиву дувача» – куну.

Идавсил ﷺ хадисраву увкуну бур: «Зула хъус закатрайну дуруччияра», – куну. Мийжаннугу хѳакъинусса къини чѳявусса мисаллу ккаклай бур эбрат ласун бучѳисса. Ца инсаннал буслай, мунал хъурду диркѳун дур Ставрополлал аьрщарай. Ца шинал чѳярусса гъараллу ларчѳуну дургъусса гъарзад лирну, бакѳлахъру зия хъуну диркѳун дур. Чѳявусса халкъуннан хъунисса зараллу бивну бивкѳун бур га шинал. Так ца инсанналсса личѳаннин, гъарцаннал хъурду зия хъуну дур. Ххал барча, кѳул хъуну бур му инсан гъарца шинал багъайсса куццуй закат буклай ивкѳиву. Мукусса караматирттайну Аллагънал ﷻ жунма ккаккан буллалиссар закатрайну жула хъус дуруччин шайшиву. Чѳявуминнал пикри бикѳай закат булурча, мунийну цала хъус чан хъунсса ххай. Зунма ччарча цѳуххияра



закат буккайсса инсаннахъ, чара бакъа закат бувккютари гайкссара хъусгу махъуннай занагу дикѳайссар, дуллалисса давриву барачатту бикѳайссар. Ччиманахъ цѳуххияра – му мийжансса задри.

Цумур-бунугу жамятрал закатраву карчѳаншиву дуллай, муних багъайсса куццуй къулагъас къадуллай, му Исламрал ттарцѳи аьркинсса куццуй дачин къадурсса чѳумал, миннайн чѳявусса апатѳру, баларду ликкан байссар. Жунма чѳалай бур хѳакъину жулва Дагъусттаннайн бикѳу, цайми кѳанттурдайн бикѳу чѳявусса бала-мусибатру ликлай бушиву, мунийту жуцава шаймур бан аьркинни ми

апатѳру арх бансса хѳарачат буван. Ялагу чѳявуссаннал пикри бикѳай закат буккьяра тѳисса чѳумал, му маллатурал, имамтурал цанма хайрданун тѳисса ххай. Мукусн бакъассар. Инсаннахъ ихтияр дуссар агар цана кѳулну ухъурча динналийсса, мискин-пакъирсса бусурмансса инсанцува ялапар хъанахъисса шяраву ягу шагърулий, тѳайланна мунахъхъун дулун. Чара бакъа имамнахъхъун ягу закат батѳлатѳисса инсаннахъхъун дулун аьркиншиву дакъассар. Цаманайхчѳин дуллунунияр, тѳайланна мискинчувнан дуллуну хъинссар. Аллагу Тааьланал тавфикъ булуннав! Амин.

Пашманшиву яла гъан дайсса куц

Альѳамдулиллагъ шукру Аллагу, жу Вийн мудан леххаву тѳиссару, Хъун уллалиссару ва бунагъирттахлу багъишла битаву чѳа тѳутѳиссару. Альѳамдулиллагъ, Аллагу, Ина жуйн гъан дуллалиса захѳматшивурттайн, цѳуцѳавурттайн, балардайн.

Аллагънал ﷻ жула ялун биян буллалисса балардайн жулва бунагъру леххан байссар, инсан ссавур дусса хъун айссар, ссавур дурманал Аллагънал ﷻ хъхъичѳисса даражагу хъунмассар. Бала ялун бивукун жува Заннайн ﷻ гъарзану леххаву тѳун бикѳару. Аллагънан ﷻ ччиссар Цала лагъ чѳявуну дваь дуллай, эбадат дуллай. Цана яла ххирама лагънан Аллагънал ﷻ захѳматшивуртту дулайссар, мунал даража лавай бан, бунагъирттая марцѳи ан. Ци къумашиву ялун диярчагу, жунма кѳулну бикан аьркинссар му Заннал ﷻ жунма чивчусса къадар бушиву, дунияллийсса захѳматшивурттахлу ххуйсса ахират дулайшиву, гъаттал аьзав яла ласайшиву, Къиямасса къинигу ххари байшиву. Ссалли жула захѳматшивуртту, баларду бигъа байсса?:

– Аллагънайнсса ﷻ дваьлул;
– Жуйвасса фарзру биттур баврил;
– Мискинтуран садакъа баврил;
– Къуръан буккаврил;
Ибн Масоьдлул бувъссар Идавсил ﷺ увкушиву: «Ца Аллагънал ﷻ лагънал ялун захѳматшиву, бала ягу къумашиву дирукун, пашмансса чѳумал вай махъру учин аьркинссар:

Я Аллагу ﷻ, на Вил лагъра,
Лагъшиврий мукѳруссара
Вил лагътурал оьрчѳура
Мудан Вийн леххаврийсса.

Вил Бюхттулшив хѳакъшиврий
На мудан мукѳруссара,
На Вил биялалусса
Ина ххирасса лагъра.

Ина ттун бувсса хѳукму
Гъар мудан тѳайлассари,
Чара бакъа Вил хѳукму
На къамул буллайссара.

Ххира Къуръандалува
Ина Винна дуллусса.
Гъарца Вила цѳардайн
Вихъ миннат буллайссара.

Вила ххира лагътуран
Ина тѳирту цѳардайн,
Щихъчѳаврагу къатѳиртѳун
Так Винна кѳулминнийну.

Вихъ миннат буллайссара
Вила ххирасса Къуръан
Ттул дакѳнивусса интну
Гъар мудан хъун бува тѳий.

Дакѳниву чанна нурну
Гъар мудан бацѳан бува
Вила хѳикматсса Гъалгъа
Багъа бакъасса Къуръан.

Къуръан савав хъун бува
Дакѳнийсса къумашив гъан,
Къюкѳливусса захѳматшив
Мунийну яла гъан да!



Вай махъру увкуманая Аллагънал ﷻ къумашиву, пашманшиву яла гъан дайссар, ххаришиврийн кѳура даен дайссар. Асхѳабтурал цѳувххуссар: «Я Расулдулагъ, жун ми махъру дакѳних лахъхъин аьркинссарив?» – куну.

Идавсил ﷺ увкуссар: «Тѳайласар. Ми ттул махъру бавсса инсаннал дакѳних лахъхъича!» – куну. Ва хѳадис бувцуссар Ибн Хѳиббаннул, тѳайлашиву тастгикъ бувссар Аль-Хѳакимлул ва Хѳафиз Ибн Хѳажардул. таржума: Фатѳима, ш. Махѳачкъала

Къуръан буккин лахъхьяра!

Ххирасса уссурвал ва ссурвал! Къуръан тйайлану буккаврих жула динналуву хъуннасса къулагъас дуллалиссар. Цанасса чумал чакливу буккайсса «Альхам» ягу цайми-цайми Къуръандалул сурарду ккалаккисса чумал, жулва инсантурал чйавусса гьалатру итабакълай бур. Ми гьалатру ца-ца чумал мукун гужсса биклайхха, Аллагнахъ ﷺ неъмат чла тий ура тий, цайнна нааьна чла тисса.

макъала: Нурмухаммад Бахарчиев

Гьарца бусурманчувнай ялув бурж буссар цащава шайсса куцуй тйайлану Къуръан буккин лахъхьин. Цанчирча, Къуръан хъанахъиссар жуйнма Идавсийчдин ﷺ гъан бувсса Аллагу Тааьланал калам. Къуръан ккалаккиманангу хъама битлан къабучиссар га Заннал калам бушиву. Мукун бухъувкун, Къуръан ккалай ура тий, клулну-къаклулну ккалан къабучиссар.

Чйавуми биклай нач дуллай, гьалатл лякьирча, цайва хъянссар тий. Микку нач дуллан чичлав савав дакъассар, цанчирча, жува аьраб бакъару, жува аьжамру. Мунияту, жулва ниттил маз бакъасса мазрай гьарца хларп тйайлану зумух ласун бигъану къабиклайссар. Инсан иклайссар угъарасса ягу ци-дунугу ца цуцлаву ягу диялдакъашиву дуса, цинярда хларпру тйайлану зумух ласун лахъхьин къашайсса. Мукунминнан шариаьтраву буссар укунсса хлукму: агарда инсаннал мукуцлаллий кйива гьантлий цащава шайкун ялун агъну цумур-дунугу ца захматсса хларп лахъхьин бюхълай акъахурча, му чумал рухса буссар, бусса куцуй къабитан. Аммарив мукунсса инсаннал цайминнан лахъхьин булларча, мунал учин аьркинссар ва хларп ттуща тйайлану, багъайсса куцуй зумух ласун лахъхьин къавхъунни, мунияту ина цама клулсса инсанначан лавгун лахъхьин, куну. Нач дуллай ягу дакй хъан хъанай Къуръан лахъхъаву къадитан къабучиссар. Чакливу бакъассагу, бивкулий Къулгъу буллалисса чумалгу цаппараннал клулну-къаклулну ца хларпиран кланай цамур увкуну, дуаьбул мягна ухчинларал клура даян дурну, ивкуманан ххуйсса дуаь дансса кланай ганаха нааьна дуллан биклай. Мукунсса кланай шйиклангума нач хъанан диклай. Къуръандалува цивува буссар Аьллагу Тааьланал амру бувну, Къуран тйайлану буккьяра куну. Хлакьинусса кьини гьарца инсанналгу буржри шалва Къуръан къалахъхьирчагу, цала гьарца кьини байсса ххювагу чакливу буккайсса «Альхам», «Аттахийяту», цайми чйаруну ишла дуллалисса дуаьртту тйайлану дуккин лахъхьин. Цанасса заманнай гьарца шагърулий биклу, шйраву биклу «Къулгъу-Альхам» тйайлану буккин лахъхьин ччиманан чйарусса санругу дур. Аллагнал ﷺ гьарцаннахъхъун тавфикъ булуннав Цува ﷺ рязи хъунсса куцуй эбадат дуллан!

Идавсил ﷺ МЮЪЖИЗАТРУ



Мурхьирал барашинна

Ца чумал Мухаммад Идавс ﷺ цалва асхлабурашчал сапарданий най ивкун ур. Ххуллий гайннан ца бедуйн хъуна авкуну урча, Идавсил ﷺ ганахъ цуьвххуну бур: «Ххуллухъин, ина чун най ура?» – куну. Ганал бувсун бур цалва агъалиначан най ушиву. Идавсил ﷺ цуьвххуну бур: «Вин ччай бурив хъинсса аьмал, хъиншиву дан?» – куну. «Цукунсса хъиншивури?» – цуьвххуну бур бедуйннал. Идавсил ﷺ увкуну бур: «Му хъиншиву – Аллагъ ﷻ ца ушивруй ва Мухаммад ﷺ идавсшиврий барашинна даври», – куну. Га инсаннал увкуну бур: «Инава тйайлашиву тастгикъ буллалиса аьламат ккаккан дува тун», – куну. Расулудлагънал ﷺ ца мурхьирал кйисса тйайла бувну, увкуну бур: «Танил дантиссар барашинна на Идавс ушиврий», – куну. Яла Идавсил ﷺ дуаь дурну, мурхъ мархрашчал аьршарава бувкун, гайннал хъхьичи бавцуну бур. Мухаммад Идавсил цуьвххуну бур мурхьирахъ: «Ина барашинна дуллай бурав на мййжанугу Идавс ушиврий?» – куну. Мурхьирал барашиннагу дурну, цила кланайн зана бивкун бур. Му махлатталсса аьламат ккарксса бедуйнналгу муссят шагъадат дуртун Ислам къамул дурну дур.

Идавсил ﷺ хасият

Мухаммад Расулудлагънал ﷺ увкусар: «На тйайла увкссара халкъуннал хасият-тйабиятру камил даншиврул», – куну. Идавсшиву дулуннинва Мухаммадлуву ﷺ диркиссар яла ххуйми, ххаллилми хасиятру: бахилшиву, чувшиву, тйайлашиву. Идавсил ﷺ буллусса махъ мудан бацан байса бивкиссар. Мунияту мунал «Садикъ-аль-Амин» тйисса ца дирзун диркиссар. Аллагнал Расул ﷺ къашайшалтрах урган лайсса ивкиссар гай шагърулул зуманив ялапар хъанай бухъурчагума. Захматшиврувун багъсса асхлабтал ккавккукун ганал иттату махъ дачайсса диркиссар. Идавсил ﷺ лагма-ялттуминнай аякъа дайсса диркиссар, миски-гъаривнан кумаг байсса бивкиссар. Ганал мискинтуран дукья дулайсса диркиссар,

цала кулпатран диялну дакъанугу. Ца-ца чумал хъинну ккашил хъувкун, Идавсил ﷺ цала лякьлуйн къасса чару бахлайсса бивкиссар бархй тйайла бан бюхъаншиврул. Расулудлагънал ﷺ цалва асхлабураха хъуннасса аякъа-хлурмат байсса бивкиссар. Идавсишчал ﷺ ихтилат бувсса гьарца асхлабнан ххай бивкиссар ганан цайминнаяр гужну цува ххирасса куна. Маликул арс Анас ﷺ ацра шинал муттаний Идавсичла ﷺ къуллугъ буллай ивкиссар. Мийксса шиннардий Идавсил ﷺ цалвагу цуру-клуру къабувссар, Анаслуй ﷺ царагу аьй къадурссар. Ца чумал Мухаммад Идавс ﷺ асхлабурашчал сапарданий бунува, гайннал хлукму бувсса хлайван бивххун дукра дан. Цаннал увкуссар на хлайван бихханна, куну, гаманал – бурчу ликканна увкуссар, Идавсилгу ﷺ цу дишинсса тйама датинна увкуссар. «Я Расулудлагъ, жу тйамагу датинну, цугу дишинну, ина игъалагу!» – тун бивкиссар асхлабтал. Амма Идавсил ﷺ увкуссар: «Алагънан ﷺ къаххирассар цува цайминнаяр лахъ хъанахъима» – куну. Мухаммад Идавсичан ﷺ Хлабашнал (Эфиопия) паччахй Нажашил гъан бувсса агъали бувкукун, Расулудлагъ ﷺ гайннаха къуллугъ буллай цува занай ивкиссар. Асхлабтурал цуьвххуссар: «Бучиссарив жуңгу миннаха хлурмат бан, миннан дукра дулун?» – куну. «Вайннал ттул асхлабураха хъунмасса хлурмат бувсар, мунияту ттуңгу ччай бур вайннаха хлурмат бан», – куссар Идавсил ﷺ. Жула Идавс ﷺ ивкиссар шалвагу аьламран рахматну гъан умвану. Бусурманнансса рахмат хъанахъиссар мий дуржагърая ххассал бувну Алжаннавун буххансса ххуллийн тйайла баву. Чапуртурансса рахматту – мунахлуну гайнансса аьзав Къиямасса кьини дучаннин махъун дитавури.

Муса Идавсил ﷺ миннат

Къатлада ибн Нуъманнул бувссса хладисраву увкуну бур: «Ца чумал Мусал ﷺ чла куссар Аллагнахъ: – Я ттул Зал! Ина ттуйн гъан бувсса Тавратраву бувсун бур хъинмунину

амру байса оьмуний къадагъа дайсса умматрая. Я Аллагъ, му ттул умматну хъун ба! – куну.

Аллагнал ﷺ увкуну бур:

– Ми Мухаммадлул ﷺ умматри! – куну.

Мусал ﷺ ялагу чла куну бур:

– Я Рабб! Тавратраву бувсун бур махъва-махъ загъир хъунтйисса амма хъхьичйива-хъхьичйи Алжаннавун буххантйисса умматрая. Ми ттул умматну хъун ба!

Аллагнал ﷺ жаваб дуллуну дур:

– Ми Мухаммадлул ﷺ умматри!

Мусал ﷺ ялагу чла куну бур:

– Я Аллагъ! Ялагу Тавратраву бувсун бур ца умматрая, миннал Лу миннал дакйурдиву биклантйиссар, гайннал му Лу дакйних ккалантйиссар. Гайннай хъхьичйи бивкйминнал члапйа, улттая буклай бивкун, гай ултти дакъа хурча, ганиву бумур дакйний къаличлай бивкиссар. Шак бакъа Ина дуллуну дур му умматран мукунсса ларайшиву, цайми умматиртан къадулусса. Я Аллагъ, му уммат ттул умматну хъун ба!

Аллагнал ﷺ увкуну бур:

– Ми Мухаммадлул ﷺ умматри!

Ялагу Мусал ﷺ куну бур:

– Я Аллагъ, Тавратраву бувсун бур ца умматрая, цалва луттирайнгу хъхьичйивасса идавстурал луттир-

дайнгу вйисса, бййкъавуртшачал ччалаччйисса, ва Дажжалнашачалгу талантйисса. Ми ттул умматну хъу бува!

Ялагу Аллагнал ﷺ жаваб дуллуну дур:

– Ми Мухаммадлул ﷺ умматри!

Мусал ﷺ цунилгу чла куну бур:

– Я Рабб! Тавратраву бувсун бур ца умматрая, гайннавасса цаннал хъинсса аьмал бан нийят дарча, ца чйри чйчайсса бур, му аьмал бан къахъурчагума, бан хурчарив, арулттуршва хъинсса аьмал бувсаксса чйри чйчайсса бур. Му уммат ттул умматну хъун ба! – Му Мухаммадлул ﷺ умматри, – куну бур ялагу Аллагнал ﷺ.

Микку Муса Идавсил ﷺ увкуну бур:

– Я Аллагъ! На му умматравасса муьминчув хъун ува! – куну.

Хладур бувссар Зайнуллагъ Хлажиевлул

БивкӀулуцӀун бавкӀусса цаппара хӀукмурду

ХӀакьинусса кьини бивкӀу хьусса чӀумал жулла шярваллаву бур чӀавусса инсантал, хаснува хьами, динналул ккакан кьадурсса, хӀарамсса аьдатирттал хьирив нанисса, цахьва цӀуххирча ххуйсса даву дуллау буру тӀий.

макъала: Аьли Каримов

БивкӀу хьусса кьатлуву дукра даву ягу гивун лавгун дукра дукаву кьахьинссар, му бидъаь хьанахьинссар. Цан чирча, МухӀаммад Идавсил ﷺ баяхт-ту АьлиасхӀаблул ﷺ уссу Жазфар ﷺ ивкӀушиву, ганал увкусар: «Жазфардул ﷺ кулпатран дукра дувара, гайннал ялун кьурчӀисса хавар бивунни, гай цӀана дукра даврил пикрилий бакь-ассар». Ва хӀадисрайн бувну, бивкӀу хьусса кьушливун дукра цаххуврал ягу гьанмаччаминнал дурну, ларсун бучӀарча хьинссар, суннатссар, мунихлу хьунмасса чиригу буссар. ХӀакьинусса кьини му суннат биттур байми чансса бур. Ялунгу чӀавумий бикӀай анаварну хӀайван биххан, дукрарду дан, хьатӀуй кунмасса супра тӀитӀин хӀарачат буллау, цайминнаяр махьун кьабагъаншиврул. Жулла динналу мукун бан ккаккан бувну бакьассар.

Жижара шанма гьантлул дянив баву суннатссар, мунияр лахьи лаган бувну кьахьинссар. Мунияр махь жижара бан ихтияр дуссар так сапарданий ивкӀун, чӀалну зана хьусса инсаннахь. Жижара бан бувкӀминнал цукунчӀав кьабучӀиссар бачӀвасса гьалгьарду, гьибатру ягу хӀарамсса тӀулулу дуллан, масъала, кьалиян учин.

МухӀаммад Идавс ﷺ марцӀсса дин ларсун учӀаннин хьхьичӀ аьрабнал диркӀссар аьдат, инсан ивкӀукун, ганал кьатлувун хьами дартӀун, аьтӀий, зума тӀий шьадикӀайсса. Цанансса чӀумалгума ца-цаарай Дагьусттанай шархьаву му хасият лирчӀун дур. Му Шариаьтрайн бувну яла овккимур хасиятри, муний динналуву кьадагьа дуссар. Цалла лажин ритлай, зума тӀий, лахьсса чӀурду буллау, бивкӀулуцӀа ссавур кьадурну аьтӀаву – Аллагьнал ﷻ кьадарданий рязи кьашаву, Заннал ﷻ чичрулийн кьарши буккаву хьунмасса бунагьри. Аль-Бухарил ва Муслимлул бувьсса хӀадисраву бур: «Цалла чӀаврдаӀх кару риллай, янна ххядуклай, зума тӀий аьтӀисса агьали – жуваувасса (бусурманнавасса) бакьар». Ва хӀадисрайн бувну, мукун аьтӀун дикӀайсса хьаннил тавба кьадарча, Иман дакъанна ва дуниялий лагаврил нигъ дуссар. Мукунсса инсан абадлий Дуржагьраву икӀайссар. Аьзанаалагь!

Инсаннал васиятраву «на ивкӀукун аьтӀутӀи» куну чичирча, гьаттавусса мунал аьзав хьиннура гуж шайссар. Гьансса, ххирасса инсан ивкӀукун, дард, кьурчӀишиву духьурча, бучӀиссар лагьну паракьатну аьтӀаву дан. Имам ан-Нававил «Аль-Азкар» тӀисса луттираву чивчуну бур, лахьсса аьтӀаву хӀарамсса душиву. Лахьну аьтӀий, вав-шав тӀисса чӀумал, хатӀалий Аллагьнай ﷻ, малаиктурай, Исламрал динналий ягу цамур Аллагьнан ﷻ ххирасса задрай аьй риллашисса махь личирча, му инсан бусурманшиврува уккан буюхьайссар (Аллагьнал ﷻ жува муния буруччиннав!). Мукунма «Циванни ва ивкӀусса!», «Ина жу шийн кьабитав!», «Ина акьа жу цукун яхьуву!» ва цаймигу вайнуха лавхьхьусса махьру учаврилгу бусурманчув чапуршиврийн кӀура аян ан буюхьайссар. Ци бала-апатӀ ялун бияр-

чангу, аьтӀий, ххяхлай, зума тӀий цичӀав даххана дан, ягу ивкӀума зана ан кьашайссар, мукун дайманал цайнма бунагь ласласиссар, ивкӀуманангу захӀмат шайссар. Ссавур дарчарив, мунихлу Аллагьная ﷻ чирчӀи биянтӀиссар. Шариаьтрайн бувну, хьамитайпалул лас ивкӀукун, ганий ялувссар 4 зуруй ва 10 гьантлий дягьулуву бикӀан. Лякьлуву хьусса шарсса духьурча, дягьу дикӀайссар оьрчӀ баннин. Дягьулувусса чӀумал ганин ччимур рангирал янна лаххан бучӀиссар, амма чӀолу шаву хӀарамссар. Лас акьасса, цу-унугу мач-



часса инсан ивкӀусса чӀумал, хьамитайпалун кьабучӀиссар шанма гьантлуяр ххишала дягьулуву бикӀан. ХӀатталлив зияратрай лагаву арамтуран суннат хьанахьинссар, хьаннин лавгун кьахьинссар, так Идавстурал, шайхтурал, аьлматурал, валийтурал ва гьанмаччаминнал гьаттардийн бакьасса. Хьами хӀатталлив лагаврил дуссар цинна ккаккан дурсса шартӀругу:

1. ХӀатталу шярваллил кьатув, ягу цамур шяраву духьурча, махӀрам архӀал акьа гиккун гьан кьабучӀиссар.
2. ХӀатталлив гьаннин ласная ягу цама кьажимная ихтияр ласун аьркинссар.
3. Шариаьтрайн бувну аьвратсса чурхал базурду лавкьуну бикӀан аьркинссар (лажин ва барткару личӀаннин щалва чурх).
4. ХӀатталлив дунияллул хаварду буслан ягу бачӀвасса гьалгьарду буллан кьабучӀиссар.
5. Лахьну аьтӀун, вав-шав тӀун кьабучӀиссар.
6. Куннан-ку махӀрамтал бакьасса хьами ва арамтал хӀала буххан кьабучӀиссар. Вай шартӀругу биттур кьадурну хӀатталлив лагайсса хьами бунагьравун ва Аллагьу Тааьланал нааьналувун дагьлагьиссар, лавгуннияр кьалавгунма хьинссар цанмагу, хӀатталлив бувчуминнангу.

Жула динналуву дакъасса аьдату:

1. МукуцӀал лахьаву.
- 7, 8, 40, 52 гьантта баву жулла динналийн бувну я фаризану, я суннатну кьахьанахьинссар. Цала дуллалисса аьдатиртгаву бусурман чапурнаха лахьлан кьабучӀиссар. Ми гьантрай супрарду тӀитӀин, дукра дан харж дувайсса арцу шяравусса мискинсса ца кулпатран дулурча, муниясса хайр дуллуманангу, ивкӀуманангу цукссагу хьунмасса бикӀантӀиссар.
2. Чири битаву.

Чири битаву МухӀаммад Идавсил ﷺ суннат хьанахьинссар, амма хаснува бивкӀулуцӀун бавкӀуну битан динналуву ккаккан бувну бакьассаар.

3. Хьаннил сафар. АрхӀал махӀрам акьа хьами цирдалу архьсса шагьрурдайн ягу шярваллавун жижара бан лагаву хӀарамссар.
4. Мрамордания бувсса кӀялабарзру бишаву, кӀяла зуруй сурат дишаву. Мраморданул кӀяла зуруя, ва ганийсса суратрай гьаттавуманан цукунчӀавсса хайр бакьассар. Миннун харж дурсса арцугу ссанчӀав дакъа харж дурсса исраф

ИвкӀуманан махӀрам акьасса инсаннан ганал жаназалух урган кьабучӀиссар. Хьамитайпалул жаназалул ялув махӀрамтал бакьасса арамтал батӀаву, ягу ганих бургаву хӀарамссар. Мукунма адиминал жаназалул ялув хьами батӀлангу кьабучӀиссар. ИвкӀусса адиминал ягу хьамитайпалул аьвратту кӀучӀ дурну дикӀан аьркинссар.

9. Жаназа кьатлува дуккан дурну хӀатталлив нанисса ххулий бавцӀуну зикри буллан, ягу жаназалул лажин чӀалачӀи дурну лавсун бачин кьабучӀиссар.

10. Жаназа дирссуну, сурураву дирхьуну, гьавгу дурккун махь цу-унугу учӀаннин ялугьлай бацӀаву кьахьинссар. ИвкӀуманан хьинбала бан ччарча, га шайкун анаварну учӀин аьркинссар.

11. Ца-цавай Дагьусттанай шярваллаву инсан ивкӀукун, ганал гьаттай ягу шаппа шьабивкӀун хӀан хӀачӀайсса аьдат дур. Му чапурнаха лашаву хьанахьинссар. Аллагьнал ﷻ укуннагу хӀарам дурсса хӀан хӀатталлуцӀан гьан даннагу кьабучӀиссар.

12. Инсан учӀин хӀатталлив бувкӀсса инсантал цайминнал гьаттардий шьабивкӀаву, бацӀаву. МухӀаммад Идавсил ﷺ увкусар: «Гьаттай шьабивкӀуннияр, ччувччуну нанисса хьуручӀрай шьабивкӀун хьинссар», – куну.

13. Цаппара шархьаву хӀатталлул лагма чапар (забор) дакъанутӀий, гивун ятту-гьаттара, ккачив бухлай га чапал дурну дикӀай. Мукунсса шярваллил агьулданнин бала бияйссар. ХӀадисраву увкуну бур: «Уттавамман зарал баймунли гьаттавуманангу зарал байссар», – куну.

14. ИвкӀусса инсаннаву диркӀсса оьсса хасиятру ялун личин дурну, загьир даву. Идавсил ﷺ увкусар: «Зу ивкӀуманал хьинсса хасиятру дакъа кӀицӀ малагари», – куну.

15. Гьаттай ххярхса уртту дурцуну, ххулу бувну гьаттаран бичаву. Гьаттай ххярхсса уртту ягу муьрхь шьоллину буссаксса бутан кьабучӀиссар, цан чирча гай Аллагьнаха ﷻ тасбихӀрай дикӀайссар. Гьаттардил дяних ххярхсса уртту дуцин бучӀиссар.

16. Ца-цавайиннал инсан ивкӀусса кьатлуву 40 гьантлий чирахь лавхьун кьабитай, гиккун ганал рухӀ дучӀайсар тӀий. Мукунсса зад Исламраву бакьассар, муния шинчӀав хайр кьабияйссар. МукуцӀалва гьантлий лавхьсса чирахьрах дулунтӀисса арцугу исрафшиву хьунтӀиссар.

17. Инсан ивкӀусса кьатлуву чак бан кьабучӀиссар тӀун бикӀай. Му кьатӀайлассар. Жула МухӀаммад Идавсил ﷺ увкусар: «Жунма ччимур марцӀсса кӀанай чак бан бучӀиссар», – куну.

18. Хьхьувай хӀатталлул чӀарах нанисса чӀумал салам булун ягу сура Аль-Фатиха (АльхӀам) буккин кьабучӀиссар тӀун бикӀай. Мугу Шариаьтараву бакьасса задри. Салам булун, дуаь дан, альхӀам буккин ччимур чӀумал бучӀиссар. Цанансса чӀумал бивкӀу хьусса чӀумал, жижара бан шагьрурда, шярваллава халкь батӀай, амма миннава жаназалул чак байсса ца-кӀия акьа кьаикӀай. ИвкӀума ххирану, ганай циммий батӀлай бухьурча, циняв бавцӀуну жаназалул чак бан аьркинссар. Мунияр хьунмасса кумаг ганан жуцава бан кьашайссар.

Аллагьнал ﷻ жунма кумаг баннав инсан уччаву тӀайлану дан, ливтӀуминнангу, сагьминнангу дунияллий ва Ахиратраву мюнпат бияншиврул!

Феруза Аьлишаеван хас бувсса

Ас-саламу аьлайкум
Ферузай, ттул ххира ссу,
АхІмадгу Аьбдуллагъгу
Тарбия бан бювхъусса.

Хья кьаувкусса дакІнив
Динналул нур чанссар тІар,
Щукру бува Аллагънайн ۞
Му вила кьадарданийн.

Элму кьадурккунугу
Аьлим куна вил арснал
Дагъустган бусурмантал
Динналийн кІункІу бувна.

Мунах вичІи дирхъунал
ДакІний иман цІакъ шайва,
Шанаши дакІний иман
ЧантІ учин дан бюхъайва.

Мунал сакин дурцирив
Циняр телепроектру
Уттигу найнна дури
Кьимат хьинну лавайну.

Магъдил ва Аьбдуллагълул
Хьумасса захІмат бувссар
Дагъустганнай муьминтал
Диндалийн кІунку буван.

Дагъустганнай дин-элму
Цуксса марцІсса дуссарив
Миннал чІалачІи бунни
Бусурманнахъ бувсунни.

Шайхтурал лавсун нани
Тпарикъатрал ххуллийх най
Гьарнан бувчІин бувунни
ИхІсандалул ххирашив.

Жула ххира машаих
Саид-АфандиначІан ۞
Гьижра бувну Аьбдуллагъ
ЧиркІейлив ивкІун ури.

Машаихнал барачат
Мунайн бивсса чІалай бур,
Ахир хайрданийнусса
Мунан буллу бивкІулул.

Шагъидтурахъхъун Заннал ۞
Ихтияр дулайссар тІар
Та Кьиямасса кьини
Шафааьт биян буван.

Мачча-гъанминнаяту
АрулцІала муьминчу

Цащала архІал уцин
Нурданул Алжаннунун.

Хьунмасса щукру бува
Ляхъан бувсса Аллагънайн ۞
Мукун ххаллилсса арсру
Винма нясив бувнутІий.

Аьбдуллагъ шагъид хьусса
Хавар жунма бавукун,
Бургъил дурцІусса кьини
Чьавхъа бувтІсса хханссия.

Вих хьун бюхълай бакъая
Ялун бив хаварданин,
Хьинну дакІнин ххирасса
Диндалул уссиясса.

Мукун тарбия бувсса
Муьминтал чансса буссар,
Чил дахІалай учинсса
МарцІ арсурварал нинуй!

АхІмад, ххирасса уссу,
Оьрму лахъи буваннав,
Жабраил малаикнал
Хьаттиралу яаннав!

Уссин бакъасса оьрму
Аллагънал ۞ вин булуннав,
Нину-ппу рязи бансса
Тавфикъ вихъхъун булуннав!

Идавсил ۞ душнил арсру
ХІасан ва ХІусайн бивкІсса,
Тпарикъатрал устазтал
Цал наслулия хьусса.

Миннал цІардал хІурматран
Царду бутгал дирзусса,
Ххира ХІасан ва ХІусайн
Зу Аллагънал ۞ ябаннав.

Цала гьалмахтуращал
Бутгал буцІайнма бивкІсса,
Динналул ххуллу бугъан
Зугу хІарачат бара.

Буттахъ зула дуаьлув
Жугу кІицІ лагияра,
Та Кьиямасса кьини
Шафааьт бува куну.

Янин чаний, Басират,
Бутгал лягълу-жавагъий,
Бутган бакъасса оьрму
Вин нясивну лякьиннав!



Ххарину бикІу мудан
Вила ххира буттая,
Алжаннул агъулданул
Дянив цІана ушиврий.

Ххира МухІаммад-Аьриф
Вил цанил ххирашиву,
Ца дирзманан кунмасса
Аьмал вингу булуннав!

ХІасан-Афандинал ۞ арс
МухІаммад-Аьрифнал ۞ цІа
Бутгал винна дирзусса
ТалихІирал заллур.

Аьлишаевхъал кулпат
Заннайн ۞ аманат хьуннав,

Аьбдуллагълул шафааьт
ОьрчІал-оьрчІайн бияннав!

Жабраил-малаикнал
Хьаттиралу ябаннав,
Идавсил ۞ шафааьтрал
Циняв ххари буваннав!

Кавсар-щарашул щинал
НахІала нясив баннав,
Ливасирал ххютулу
КІану гьарзасса хьуннав!

Амин, амин, амин, я Мужиб!

ФатІима, ш. МахІачкъала

Щукру бувара!

Щукру бара муьминтал
Жува ляхъан буваврий
Ххира МухІаммад-ХІабиб ۞
Идавсил умматрава.

Тпуру-Синай тІий зунтгуйн
Ххира Заннахъ ۞ гьалгъа бан
Муса аьлайгъи ссалям
Цувалу гъаз хьу чІумал.

Заннал ۞ Мусахъ ۞ бувсуссар
Цана яла ххирама
Идавстуралгу паччачІ
МухІаммад-ХІабиб ۞ ушив.

МухІаммад ۞ цу уривав
Муса ۞ Идавсил кувкун,
Аллагъу Тааьлал
Жаваб дуллуно дури.

Дуниял ляхъан даннин
Азарда шинал хьхьичІра,

МухІаммад Идавсил ۞ цІа
Аьрширай чирчун диркІссар.

Му Ттул яла ххирама
Расулгу хъанайссари,
Цаняв махлукъатнийяр
Тгун ххирамагу муври.

Мунайр ххирасса Тгун
Цама Идавс акъассар,
Ахирзаман гъан хьувкун
Загъир хьунсса Идавсри.

Цуксса Аллагънаяту ۞
ХІаяну ухьурчагу,
Мусал ۞ ялагу суал
Буллуну цІувххуссари.

МухІаммад ۞ хъанай хьурча
Яла ххирама Идавс,
Ттул умматрайр ччисса
Буссарив цамур уммат?

Заннал ۞ жаваб дуллуссар
Вин ми кьаккаккантІссар,
Яла ххирамур уммат
МухІаммадлул ۞ умматри.

Винма чІу баян ччарча
Тти ина вичІи диша,
МухІаммадлул ۞ умматрал
ЧІу На вин баян банна.

Идавсил ۞ умматрайн
Ххира Заннал ۞ оьвкуссар,
«Лаббайк» увкуну миннал
Заннахъ ۞ жаваб дуллуссар.

ХьхьичІвасса умматиннал
Бувсса садакълухлу,
Хьинсса аьмалданухлу
Ца чир буллаи бивкІссар.

Жунма, ххира умматран,
Ца бувсса садакълух

Арулттуршвахъул чир
Аллагънал ۞ чичин байссар.

Жуярва хьхьичІ умматру
Бунагъралун багъукун,
БивкІулийну бакъасса
Багъишла кьабувссари,

Жува бувсса бунагъру
Багъишла бувантІссар,
«Астагъфируллагъ» куну
ХІакъну тавба дуварча.

ХьхьичІва-хьхьичІ Алжаннавун
МухІаммад ۞ уххантІссар,
ХІабибнал ۞ цала хьирив
Умматгу буцинтІссар.

Дуньяллий Заннал ۞ кьатта
Кьиблаллий жула Кяъба,
Му Кяъбалул шафааьт
Жуйнма биян бантІссар.

Кьиямасса кьинилул
Ццахханнарав ливчІуний
ХьхьичІва-хьхьичІ
МухІаммадлул ۞
Шафааьт бувантІссар.

Зам-замирал щараци
Жунма нясив хьун бувссар,
Замзам хІарчІ хІажитурал
Мурад барт бигълагъиссар.

Жура дувай дуаьлун
Заннал ۞ жаваб дулайссар,
Щалларагу дуниял
Жунна мизит хьун дурссар.

ХьхьичІвасса умматиннал
Так килисалув бай чак
Ххирасса муьминтурахъ
Ччиний бан рухсат буссар.

ФатІима, ш. МахІачкъала

Кия инсаннал ца чумал мавлудрайн овьчирча, цуманачан гъан аьркинссар?

Хъатул мавлудрайн овьчирча, миккун чара бакъа гъан аьркинссар, ца оьзру бакъанува къагъан къабучиссар. Цамур мавлудрайн овьчирча, миккун лагаву суннатсар. Утти, ца чумал кира мавлудрайн овькуну, миннуваса ца хъатул мавлуд, гамур укуннасса мавлуд духьурча, хъатулмунийн гъанссар. Кирагу ца даражалийсса духьурча, хъхьичи овькуманачан гъанссар. Кинналвагу архал овьчирча, цана маччаманачан, гъанманачан гъанссар, масала, уссу уссичан кунна. Кинналагу ца куцсса гъаншиву духьурча, къатта гъанну буманачан гъанссар. Кинналвагу къатлучансса ххулугу архалсса бухьурча, куну бувккун (жребий) хукму банссар. («Иаьнату талибин»).

Хуна бавкъусса чумал хъямала багъаву хъинссар тун биклай, му тлайлассарив?

Сапардания зана хъусса ягу къаккавккун хъунмасса хал хъусса инсаннал хуна авкъукун хъямала багъаву суннатсар. Амма гьарца хунабавкъутари хъямала багъагъаву къахъинссар. Чявуну мукун баву карагъатсар кунугума бур. («Иаьнату талибин»).

Къиямасса къини дучаврил хъуними лишанну цумирри?

Къиямасса къини дучаврил хъуни лишанну ва миннул тартиб:

- 1) Магди имам уккаву;
 - 2) Дажжал уккаву;
 - 3) Эса Идавс ﷺ ликкаву;
 - 4) Яьжуж-маьжуж тисса агьлу буккаву;
 - 5) «Даббагул арз» тисса жанавар буккаву;
 - 6) Баргъ баргълагавал чулуха гъаз шаву;
- («Шархуль мафруз»)

Хажак ва гъухъа лахлахиний хъхьичи цумур ларххун хъинссар?

Хъхьичи хъухъа яла хажак лаххаву – Идавситрал суннатри. («Мафатихул жинан»).

Цаманал дуркуну лирчмур дукавил хакъиравусса шариатрал хукму цукунссар?

Динналул уссил дуркуну-хларчун лирчмур дукаву хъинссар, хаснува га шайх, аьлимчув, валий, загъид ухьурча, ганал барачат винмагу бияншиврул. («Мафатихул жинан»).

Ччаннай авцуну унува усру лаххаву къахъинссар, щайкан аьркинссар тун биклай. Му тлайлассарив??

Буссар Мухаммад Идавсил ﷺ хадис, ччаннай авцуну усру лаххаврия махъунмай буллалисса. Амма ва хадисрайн буну хукму буллалисса аьлимтурал увкуну бур, ччаннай авцуну лаххан захматсса, масала, хъхьару бахлайсса куннасса усру дакъахурча, бигъану лаххан шайсса, къус икан къабагъайсса усру авцуну унува лаххавриву цичав карагъатшиву дакъассар, куну. («Мафатихул жинан»).

Маз къаклулсса инсаннал хъирив авцуну жамт-чак бан бучиссарив?

Гьалгъа тун шайманан къабучиссар мазкъаклулнал хъирив авцуну чак бан.

Салам буллалисса чумал арамтурал кунна кару дугъан хъаннингу бучиссарив?

Жула динналин буну салам булаву суннатсар, жаваб дулаву ялувссар. Ка дугъаврил хукму арамтурангу хъаннингу ца куцссар. Хъамитайпа хъамитайпалушал хуна бавкъусса чумал, арамтуран кунна, хъаннингу суннатсар цаннил-ца кару дугъаву. Адаминал ва хъамитайпалул ка дугъаву хларамссар, ми куннан-ку махрамтал бакъахурча. («Иаьнату талибин»).

Хуна бавкъусса чумал хъямала багъаву хъинссар тун биклай, му тлайлассарив?

Сапардания зана хъусса ягу къаккавккун хъунмасса хал хъусса инсаннал хуна авкъукун хъямала багъаву суннатсар. Амма гьарца хунабавкъутари хъямала багъагъаву къахъинссар. Чявуну мукун баву карагъатсар кунугума бур. («Иаьнату талибин»).

Хъамитайпа тлаансса аьтрилул къанкъу дурну къатлув буккан бучиссарив?

Лас усса шарссанин цуппа ласнан ххуй бизаншиврул тлаансса къанкъ даву суннатсар, чириссар. Шарда ласнан дурну дирксса къункъащал къатлув буккавингу къадагъа дакъассар. Амма хаснува къатлув букканин къанкъу дурну буккаву хларамссар. Лас акъасса хъамитайпалун шаппасса чумал даву хларамссар. Лас ивкуну эдалул дягулувусса хъамипайпалун шаппа биклу, къатлув биклу аьтрилул къанкъ даву хларамссар. («Мафатихул жинан»).

Янналул яла хъинмур ранг цумурди?

Янналул яла ххуймур ранг клямурди, му хъанахъиссар идавстурал ва салихунтурал янналул ранг. Мухаммад Идавсил ﷺ хадисраву увкуну бур: «Зу клясса янна лаххияра, ливтуминнал суругу клясса янналия бувара», – куну. Мукунма, Идавсил ﷺ диркссар щюллисса рангирал янналул ялтту лаххайсса лаххиягу. Мунияту, щюллисса ранг дусса янна лаххавугу суннатсар. Щюллисса рангирах ургаврил янил чанигу ххуй байссар. Арамтуран ятлулссагу хъахъиссагу личаннин цамур рангирал янна лаххангу бучиссар. Хъаннин шаппасса чумал ччимур рангирал янна лаххан ихтияр дуссар, амма къатлув буккайний арамтурал я къабацансса рангиралсса лаххан аьркинссар. («Мафатихуль жинан»).

**ХХИРАССА УССУРВАЛ ВА ССУРВАЛ!
НАЙ ДУССАР 2013-КУ
ШИНАЙССА "АС-САЛАМ"
ККАЗИТРАЛ ПОДПИСКА.
ККАЗИТ ЧИЧИН ХЪУНТИССАР
ЧЧИМУР ПОЧТАЛИЙ ВА ГЪАРЦА РАЙ-
ОННАЙССА ЖУЛ ВАКИЛТУРАЙХЧИН.
ЛАККУ МАЗРАЙССА ККАЗИТРАЛ
ШИНАЙССА БАГЪА ХЪАНАХЪИССАР
270 КЪУРУШ, ОЪРУС МАЗРАЙССА
ККАЗИТРАЛ – 583 КЪУРУШ.
ККАЗИТ ЧИЧАВРИЛ ВА БИЯН
БАВРИЛ ХАКЪИРАВУ ОВЪЧИН
БЮХЪАНТИССАР ВАЙ НОМЕРДАЙН:
ЦИУССАЛАКРАЛ РАЙОНДАЛИЙ ВА
НОВОСТРОЙРАЙ +7-988-307-04-03,
ЛАККУЙ +7-988-771-59-70.
АЛЛАГЪНАЛ КУМАГ БАННАВ!**

**ДУАЪ**

ССИ БИВЗУКУН УЧА

اللهم اغفر لي ذنبي وأذهب غيظ قلبي وأجرني

من الشيطان الرجيم

Аллагъумма-гъфирлий замбий
вазгъаб гъайза къальбий ва ажир-
ний мина щайтани рражим

Рузнама

Март

Къини	Къорххил чак	Баргъ букваву	Ахтгайн чак	Ахттакъун чак	Марклаган чак	Хъатлан чак
1	5:47	7:22	13:01	16:06	18:40	20:05
2	5:46	7:21	13:01	16:07	18:41	20:06
4	5:43	7:18	13:01	16:09	18:44	20:09
6	5:39	7:14	13:00	16:10	18:46	20:11
8	5:36	7:11	13:00	16:12	18:49	20:13
10	5:32	7:07	12:59	16:13	18:52	20:16
12	5:29	7:06	12:59	16:15	18:54	20:18
14	5:24	7:00	12:58	16:16	18:56	20:21
16	5:21	6:57	12:58	16:18	18:59	20:24
18	5:18	6:53	12:57	16:19	19:01	20:26
20	5:15	6:50	12:57	16:21	19:03	20:29
22	5:11	6:46	12:56	16:22	19:03	20:31
24	5:07	6:43	12:55	16:22	19:08	20:33
26	5:03	6:39	12:55	16:24	19:11	20:36
28	4:59	6:36	12:54	16:25	19:13	20:38
30	4:54	6:32	12:53	16:25	19:15	20:40

Хлурмат бусса уссурвал ва ссурвал!
Зунма цлуххин ччисса,
Исламрацун, Шариатрацун,
кулпатрал багъу-бизулуцун бавхлусса ва цаймигу суаллу
гъан бан бюхъайссар SMS – райхчин 8-928-580-37-
89 номерданийн, ягу 51-85-22 номерданийн овькуну
цлуххин.
e-mail: assamlak@mail.ru